



جَبَاتِن كَهَاكِيمِن سَیْرِيَاہِ قَهَاہِ

**JABATAN KEHAKIMAN SYARIAH PAHANG**  
No. 1, Kompleks Mahkamah Syariah Negeri Pahang  
Lot 141531, Jalan Indera Mahkota  
Bandar Indera Mahkota  
25200 KUANTAN  
PAHANG DARUL MAKMUR



Tel : 09- 531 8666  
Faks : 09- 531 8747 / 8737  
Web : <https://jksp.pahang.gov.my>  
Emel : [jksp@esyariah.gov.my](mailto:jksp@esyariah.gov.my)

Ruj. Kami : JKSP 600-1/3/1 (55 )  
Takwim : 1 Zulhijjah 1443H  
Tarikh : 1hb Julai 2022

Yang Arif Hakim Mahkamah Tinggi Syariah,  
Tuan Hakim Mahkamah Rendah Syariah,

**PEKELILING KETUA HAKIM SYARIE BIL. 1 TAHUN 2022**

**Garis Panduan Nafkah Sementara Anak Dalam Kes Perceraian  
Dan Pembubaran Perkahwinan**

Saya ingin menarik perhatian semua Yang Arif Hakim Mahkamah Tinggi Syariah dan Tuan Hakim Mahkamah Rendah Syariah kepada keputusan Muzakarah Kehakiman Jabatan Kehakiman Syariah Pahang 1/2022 pada 26 hingga 28hb Jun 2022 bersamaan 26 hingga 28 Zulkaedah 1443H di eRYabySURIA Cherating telah bersetuju untuk mengesahkan dan menerima pakai Garis Panduan Perintah Nafkah Anak Dalam Kes Perceraian dan Pembubaran Perkahwinan Di Mahkamah Syariah Pahang sebagaimana Lampiran.

Pekeliling ini berkuatkuasa mulai 01hb Julai 2022.

(Dato' Sri Haji Abdul Rahman Bin Md Yunos, SSAP., DIMP., SMP., PKC.)  
Ketua Hakim Syarie  
Jabatan Kehakiman Syariah Pahang

KUANTAN  
2022

"SYARIAH ASAS KEADILAN"



CERTIFIED TO ISO 9001:2008 CERT. NO. AR5404



**GARIS PANDUAN PERINTAH NAFKAH ANAK  
DALAM KES PERCERAIAN DAN PEMBUBARAN  
PERKAHWINAN  
DI MAHKAMAH SYARIAH PAHANG**

**GARIS PANDUAN PERINTAH NAFKAH BAGI KANAK-KANAK / DALAM KES  
PERCERAIAN DAN PEMBUBARAN PERKAHWINAN DI MAHKAMAH SYARIAH PAHANG**

**1. OBJEKTIF**

Objektif Garis Panduan ini adalah untuk-

- (a) Memberi keutamaan kebajikan nafkah bagi kanak-kanak dalam tempoh perintah nafkah belum dituntut / diperolehi.
- (b) Memberi panduan kepada pihak Mahkamah dalam menentukan kadar nafkah kanak-kanak semasa dalam memutuskan perintah perceraian.

**2. TAFSIRAN**

Takrifan dalam seksyen ini terpakai dalam garis panduan ini.

"Enakmen" ertinya Enakmen Undang-Undang Keluarga Islam (Negeri Pahang) 2005.

"Kanak-kanak" ertinya merujuk kepada Seksyen 89(4) Enakmen Undang-Undang Keluarga Islam (Negeri Pahang) 2005.

"Penjaga" ertinya ibu bapa / penjaga (anak tidak sah taraf/ anak angkat yang berada dibawah jagaan penjaga).

"Pihak-Pihak" ertinya Plaintiff dan Defendan.

**3. KUASA MAHKAMAH**

Mahkamah adalah mempunyai kuasa apabila-

- (a) membenarkan lafaz talaq atau apabila membuat suatu perintah perceraian;
- (b) memerintahkan apa-apa bentuk pembubaran perkahwinan;
- (c) dalam masa menanti keputusan sesuatu prosiding hal ehwal suami isteri;

**4. PUNCA KUASA**

Sumber / Punca kuasa bagi Garis Panduan ini diwujudkan berdasarkan seksyen 74 Enakmen Undang-Undang Keluarga Islam (Negeri Pahang) 2005 dibaca bersama dengan Seksyen 244 dan 245 (2) Enakmen Tatacara Mal Mahkamah Syariah (Negeri Pahang) 2002.

**5. SKALA KADAR NAFKAH**

Pada menetapkan kadar nafkah bagi kanak-kanak, Mahkamah boleh memerintahkan seorang lelaki membayar nafkah untuk faedah mana-mana anaknya di dalam Jadual.

BILANGAN ANAK	KADAR
1-2 orang	RM350.00 seorang
3 orang dan ke atas	RM250.00 seorang
Atau	
Mahkamah boleh memerintahkan seorang lelaki membayar nafkah untuk faedah mana-mana anaknya mengikut kadar-kadar yang ditetapkan oleh Hakim.	

#### 6. KAEDAH PEMBAYARAN

Kaedah pembayaran nafkah bolehlah mengikut cara yang sesuai dengan pihak-pihak dan menyatakan tempoh masa pembayaran nafkah tersebut.

#### 7. TEMPOH KUATKUASA PERINTAH

Perintah tersebut hendaklah berkuatkuasa sehingga ada perintah lain menyatakan sebaliknya.

#### 8. PENGECUALIAN

Perlaksanaan Perintah ini dikecualikan dalam keadaan yang berikut-

- (a) Terdapat bentuk persetujuan lain antara Pihak-pihak tentang jumlah dan cara pembayaran nafkah.
- (b) Seseorang lelaki diiktiraf oleh undang-undang sebagai Orang Tak berkeupayaan dan / atau Muflis.
- (c) Bagi mana-mana anak yang telah melampaui lamanya tempoh perintah bagi nafkah anak sebagaimana peruntukan seksyen 80 Enakmen Undang- Undang Keluarga Islam (Negeri Pahang) 2005.
- (d) Bagi Anggota Tentera yang tertakluk di bawah Akta Angkatan Tentera 1972 / Kaedah- Kaedah / peraturan-peraturan dan / atau apa-apa statut dan undang-undang yang dikuatkuasakan ke atas seorang anggota Angkatan Tentera Diraja Malaysia (ATM).
- (e) Tidak terpakai bagi kes kehadiran sebelah pihak.

#### 9. DOKUMEN

Tiap-tiap tuntutan yang dibuat hendaklah dikemukakan bersama salinan dokumen berikut semasa peringkat pendaftaran kes-

- (a) Kad Pengenalan Plaintiff.
- (b) Sijil Nikah / Ruju'.
- (c) Kad Pengenalan / Sijil Kelahiran Anak / Sijil Pengangkatan Anak.

**CARTA ALIR PENENTUAN PERINTAH NAFKAH BAGI KANAK-KANAK DALAM  
KES PERCERAIAN DAN PEMBUBARAN PERKAHWINAN DI MAHKAMAH  
SYARIAH PAHANG**

